

## Vlada Kantona

Na osnovu člana 33. Zakona o zdravstvenom osiguranju ("Službene novine Federacije BiH", broj 30/97 i 7/02) i čl. 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03-Prečišćeni tekst), a na prijedlog Upravnog odbora Zavoda zdravstvenog osiguranja Kantona Sarajevo, Vlada Kantona Sarajevo donijela je, na 75. sjednici održanoj 20. augusta 2008. godine,

### UREDBU

#### **O IZMJENAMA I DOPUNAMA UREDBE O OBIMU, UVJETIMA I NAČINU OSTVARIVANJA PRAVA OSIGURANIH LICA NA KORIŠĆENJE ORTOPEDSKIH I DRUGIH POMAGALA, ENDOPROTEZA, STOMATOLOŠKO-PROTETSKE POMOĆI I STOMATOLOŠKO-PROTETSKIH NADOMJESTAKA**

##### Član 1.

U Uredbi o obimu, uvjetima i načinu ostvarivanja prava osiguranih lica na korišćenje ortopedskih i drugih pomagala, endoproteza, stomatološko-protetske pomoći i stomatološko-protetskih nadomjestaka ("Službene novine Kantona Sarajevo", broj 38/07), vrše se sljedeće izmjene i dopune:

U članu 23. stav (1) iza tačke 8. dodaje se tačka 8a. koja glasi:

8a. Štap sa četiri gume 36

Indikacije: teški funkcionalni poremećaji kretanja uzrokovanih neuro-mišićnim poremećajem ili oštećenjem zglobova težeg stepena

##### Član 2.

U članu 23. stav (1) u tački 11 broj "36" mijenja se u broj "24".

U članu 23. stav (1) u tački 11 pod a) iza riječi kvadriplegiju dodaje se zarez i riječi "oboljele od cerebralne paralize, mišićne distrofije i multipleskleroze u uznapredovalom stadiju bolesti."

##### Član 3.

U članu 23. stav (1) u tački 12 u indikacijama iza riječi "(kvadriplegija)" dodaje se zarez i riječi "bez obzira na uzrok nastanka."

##### Član 4.

U članu 23. stav (1) tačka 13. iza indikacija, riječi "Osiguranom licu kojem se odobri toaletna stolica, ne mogu se, u pravilu, odobriti i pelene" zamjenjuju se riječima "Osiguranom licu kojem se odobri toaletna stolica mogu se odobriti pelene u količini jednakoj jednoj polovini količine utvrđene ovom Uredbom u članu 23. stav (1) tačka 48.

## Član 5.

U članu 23. stav (1) tačka 29. mijenja se i glasi:

29. Aparat za pojačanje sluha:

- a) za lica do 7 godina 24
- b) za lica od 7 do 15 godina 36
- c) za lica od 15 do 65 godina 48
- d) za lica preko 65 godina 72

Slušni aparat obezbjeđuje se osiguranom licu sa ukupnim gubitkom sluha po F.S. više od 60%. Slušni aparat se ne obezbjeđuje djeci do 6 mjeseci starosti i potpuno gluhim licima.

Slušni aparat za djecu do 15 godina starosti se na osnovu date indikacije obezbjeđuje obostrano, pod uslovom da postoji urođeno obostrano oštećenje sluha.

Slušni aparat se obezbjeđuje osiguranom licu na osnovu nalaza i mišljenja doktora medicine - specijaliste audiologa odnosno specijaliste za bolesti uha, grla i nosa koji ima mogućnost da vokalnim i tonalnim audiološkim ispitivanjem kao i stručnim testiranjem karakteristika amplifikatora odredi rehabilitacioni efekat, osigura rehabilitacioni postupak i na osnovu toga utvrdi potrebu dodjeljivanja aparata određenih elektroakustičnih karakteristika koje će najbolje odgovarati u datom slučaju oštećenja sluha.

Ako osigurano lice zahtijeva da mu se dodijeli slušni aparat drugog oblika (ugrađen u naočare, naušnice, šnalu i sl.) Zavod snosi troškove do visine cijene standardnog pomagala utvrđenog u ovoj tački Uredbe.

## Član 6.

U članu 23. stav (1) iza tačke 35. dodaju se tačke 35a. i 35b. koje glase:

35a. Igllice za pen mjesečno prema broju davanja inzulina

35b. Alkoholni tupferi za inzuloovisna lica mjesečno prema broju davanja inzulina.

## Član 7.

U članu 23. stav (1) iza tačke 39. dodaje se tekst koji glasi:

"Osiguranom licu prema medicinskoj indikaciji mogu se odobriti kese za urostomu u spoju sa podlogom (monosistem) u količini od 30 komada mjesečno."

## Član 8.

U članu 23. stav (1) u tački 41. broj 15 se zamjenjuje brojem 30.

#### Član 9.

U članu 23. stav (1) iza tačke 42. dodaje se tekst koji glasi:

"Osiguranom licu prema medicinskoj indikaciji odobravaju se kese za urin sa ispustom 21 u kombinaciji sa urin vrećicama uz nogu 750 ml.

#### Član 10.

U članu 23. stav (1) iza indikacija za tačku 44. dodaje se tekst koji glasi:

"Osiguranom licu prema medicinskoj indikaciji mogu se odobriti kese za ileostomu u spoju sa podlogom (monosistem) u količini od 30 komada mjesečno."

#### Član 11.

U članu 23. stav (1) iza indikacija za tačku 45. dodaje se tekst koji glasi:

"Osiguranom licu prema medicinskoj indikaciji mogu se odobriti kese za kolostomu u spoju sa podlogom (monosistem) u količini od 30 komada mjesečno."

#### Član 12.

U članu 23. stav (1) tačka 46. iza riječi "kateter" dodaje se tekst "100% silikon" i broj "2" zamjenjuje se brojem "3".

#### Član 13.

U članu 23. stav (1) tačka 47. pod a) riječ "kom." se mijenja u "pari".

U članu 23. stav (1) tačka 47. pod b) se mijenja i glasi:

b) sprej za kateterizaciju 2 kom. mjesečno ili  
gel za kateterizaciju 6 ml do 50 kom. mjesečno (zavisno od broja kateterizacija)

#### Član 14.

U članu 23. stav (1) tačka 48. se mijenja i glasi:

48. Pelene za inkontinenciju 60 kom. dnevnih mjesečno

30 kom. noćnih mjesečno

Indikacije: Osigurana lica starija od 3 godine imaju pravo na pelene u slučaju:

a) urođenih mana ili bolesti urogenitalnog i probavnog sistema koje imaju za trajnu posljedicu inkontinenciju urina ili stolice

b) bolesti i povrede organa male zdjelice koje imaju za trajnu posljedicu inkontinenciju urina ili stolice

- c) mentalna retardacija koja za posljedicu ima trajnu inkontinenciju urina ili stolice
- d) bolesti i povrede nervnog sistema koje imaju za trajnu posljedicu inkontinenciju urina ili stolice

Osigurano lice kojem je utvrđeno pravo na pelene može iste koristiti u kombinaciji sa ulošcima za inkontinenciju u okviru količine utvrđene u ovoj tački.

#### Član 15.

U članu 23. stav (1) iza tačke 48. dodaje se nova tačka 48a. koja glasi:

48a. Pelene za inkontinenciju za  
paraplegičare 90 kom. dnevnih mjesečno  
30 kom. noćnih mjesečno

#### Indikacije

- a) bolesti i povrede kičmene moždine koje imaju za trajnu posljedicu inkontinenciju urina ili stolice

Osigurano lice kojem je utvrđeno pravo na pelene može iste koristiti u kombinaciji sa ulošcima za inkontinenciju u okviru količine utvrđene u ovoj tački.

#### Član 16.

U članu 23. stav (1) iza tačke 48a. dodaje se nova tačka 48b. koja glasi:

48b. Ulošci za inkontinenciju

- a) muški 90 kom. mjesečno
- b) ženski 90 kom. mjesečno

Indikacije: kao za tačke 48. i 48a.

Osigurano lice kojem je utvrđeno pravo na uloške može iste koristiti u kombinaciji sa pelenama za inkontinenciju u okviru količine utvrđene u ovoj tački.

#### Član 17.

U članu 23. stav (1) iza tačke 48b. dodaje se nova tačka 48c. koja glasi:

48c. Ulošci za inkontinenciju za paraplegičare

- a) muški 120 kom. mjesečno
- b) ženski 120 kom. mjesečno

Indikacije: kao za tačke 48., 48a., 48b.

Osigurano lice kojem je utvrđeno pravo na uloške može iste koristiti u kombinaciji sa pelenama za inkontinenciju u okviru količine utvrđene u ovoj tački.

#### Član 18.

U članu 23. stav (1) u tački 50. mijenjaju se indikacije i glase:

Indikacije:

Odobrava se osiguranom licu kojem je izvršena potpuna ili djelomična amputacija dojke.

#### Član 19.

U članu 23. stav (1) tačka 52. pod c) se mijenja i glasi:

c) baterije 2 kom. mjesečno

#### Član 20.

U članu 24. stav (1) tačka 5. se mijenja i glasi:

5. Elektrostimulator srca sa pripadajućom elektrodom trajno

a) jednokomorni

b) dvokomorni

c) defibrilator

Indikacije:

- poremećaji srčanog ritma, prema kliničkim indikacijama.

Zavod zdravstvenog osiguranja Kantona Sarajevo će učestvovati u nabavci jednokomornog elektrostimulatora srca sa pripadajućom elektrodom u punom iznosu prema cijeni postignutoj putem javnog nadmetanja, dok će za dvokomorni elektrostimulator i defibrilator biti utvrđen procenat učešća u cijeni postignutoj u javnom nadmetanju.

#### Član 21.

Osigurana lica koja na dan stupanja na snagu ovih izmjena i dopuna Uredbe koriste pomagala odnosno stomatološko- protetska sredstva, ili kojima je započeta izrada tih sredstava po odredbama Uredbe o obimu, uvjetima i načinu ostvarivanja prava osiguranih lica na korišćenje ortopedskih i drugih pomagala, endoproteza, stomatološko-protetske pomoći i stomatološko- protetskih nadomjestaka ("Službene novine Kantona Sarajevo", broj 38/07), koristit će ta pomagala odnosno stomatološko- protetska sredstva pod uslovima i sa rokovima trajanja određenim ovom Uredbom.

Član 22.

Ova Uredba stupa na snagu osmog dana od dana objavljivanja u "Službenim novinama Kantona Sarajevo".

---

Broj 02-05-24784-2/08  
20. augusta 2008. godine  
Sarajevo

---

Premijer  
**Samir Silajdžić**, s. r.